

The Electronic Manipulus florum

www.manipulusflorum.com

Religio ar cum fonte primo

An nescis dyabolum expulsum a capitulo celi, Adam a capitulo paradysi, Iudam a capitulo Christi? Primum capitulum fuit in celo, secundum in paradyso, tertium in orto. In unoquoque tamen preerat Deus. In primo culpa superbie, in secundo inobediencie, in tercio auaricie.

De primo dicitur: Ponam sedem meam ad aquilonem et ero similis altissimo;

de secundo dicitur:

De ligno sciencie boni et mali ne comedas;

de tercio dicitur: Et retulit triginta argenteos et proiecit in templo.

Pena prime culpe casus, secunde labor, tercie laqueus. De prima dicitur: Vidi Sathan id est fulgur de celo cadentem; de secunda: In sudore uultus tui uesceris pane tuo;

de tercio: Laqueo se suspendit.

Hiis tribus tres claustralium ordines assimilantur, hii scilicet qui sedem prelationis querunt et preesse non possunt, alii qui nec obedire uolunt, tercii familiares magistris loculos portantes et in occulto detrahentes.

Hugo ibidem (libro de claustris anime et de duodecim abusibus).

An nescis Satan expulsum a capitulo coeli; Adam a capitulo paradisi; Iudam a capitulo Christi? Primum capitulum fuit in coelo, secundum in paradiso, tertium in horto. In unoquoque tamen preerat Deus. In primo, prima culpa superbie; in secundo, inobediencie; in tercio auaricie et infidelitatis.

De primo dicitur, ponam sedem meam ad aquilonem, et ero similis Altissimo (Isa. XIV. 14).

De secundo dicitur, de ligno boni et mali ne comedas (Gen. II. 17).

De tercio dicitur, et retulit triginta argenteos, et proiecit in templo (Matth. XXVII. 3-5).

Poenam culpe primae, casus; secundae, labor; tercie, laqueus. De prima dicitur: Vidi Satanam quasi fulgur de celo cadentem (Luc. X. 18). De secunda: In sudore uultus tui uesceris pane tuo (Gen. III. 19).

De tercia: Laqueo se suspendit, et crepuit medius (Matth. XXVII. 5).

His tribus tres claustralium assignantur ordines: hi uidelicet, qui sedem prelationis quaerunt; et illis qui nec preesse possunt, nec obedire uolunt, alii autem, qui familiares magistris loculos portant, et in occulto detrahentes magistros cruciant.

Hugo de Folieto, *De claustris anime libri quatuor*, 2, 21 (PL 176, col.1078B-D).